



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUOTLALELETSO YA NTLHA (FAL)**

**PAMPIRI YA BORARO (P3)**

**TLHAKOLE/MOPITLWE 2013**

**MEMORANTAMO**

**MADUO: 100**

**Memorantamo o, o na le ditsebe di le 16.**

**KAROLO YA A: RUBORIKI YA TSHEKATSHEKO YA GO TSHWAYA TLHAMO (50)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80–100%</b>	<b>70–79%</b>	<b>60–69%</b>	<b>50–59%</b>	<b>40–49%</b>	<b>30–39%</b>	<b>0–29%</b>
	<b><u>26–32</u></b>	<b><u>22½–25½</u></b>	<b><u>19½–22</u></b>	<b><u>16–19</u></b>	<b><u>13–15½</u></b>	<b><u>10–12½</u></b>	<b><u>0–9½</u></b>
<b>DITENG LE IPAANKANYO (MADUO 32)</b>	-Diteng di matsetseleko le boitlhamedi jo bo kwa godimo. -Dikgopolo tse di tsibosang e bile di bontsha kgolo. -Ipaakanyo ya ntlha e tlhagisitse tlhamo e e se nang diphoso e bile e kgatlhisa.	-Diteng di supa boitlhamedi. -Dikgopolo di na le boikakanyetso e bile di kgatlhisa. -Ipaakanyo ya ntlha e tlhagisitse tlhamo e e bontshang kitso le go kgatlhisa.	-Diteng di maleba e bile di na le kgolagano e e rileng/isegang. -Dikgopolo di a kgatlhisa le go usa pelo. -Ipaakanyo ya ntlha e tlhagisitse tlhamo e ntle e e kgatlhisang.	-Diteng di maleba e bile di lomagane sentle di a kgatlhisa e bile di itlhametswe sentle. -Ipaakanyo ya ntlha e tlhagisitse tlhamo e e kgotsofatsang e bile e kgatlhisa.	-Diteng di magareng, tlwaelegile. -Go na le diphatlha tsa kamano. -Dikgopolo di maleba. -Boitlhamedi jo bo rileng. -Ipaakanyo ya ntlha e tlhagisitse tlhamo e e lekaneng, kgatlhisang le go lomagana.	-Diteng go le gantsi ga di tlhaloganyege, di tla ka kamano/kgolagan o. -Dikgopolo tse di mmalwa e bile di boeleditswe. -Go sa lekaneng ga maemo a puotlaleletso ya ntlha ntle le ipaakanyo ya ntlha. -Tlhamo ga e a tlhagisiwa sentle.	-Diteng ga di maleba gotlhelele. -Ga go kamano. -Dikgopolo di gasagane le go boelediwa. -Ipaakanyo ya ntlha e e sa lekaneng. -Tlhamo e e bokoa.

	<u>10–12</u>	<u>8½–9½</u>	<u>7½–8</u>	<u>6–7</u>	<u>5–5½</u>	<u>4–4½</u>	<u>0–3½</u>
<b>PUO, SETAELE LE TSEREGANYO  (MADUO 12)</b>	-Puo le matshwao a puiso di dirisitswe ka tolamo. -Tiriso e e kgodisang ya dikapuo.	-Puo le matshwao a puiso di lolame. -Tlhopho ya mafoko e siametse temana. -Setaele, segalo le rejisetara di maleba le setlhogo. -Bogolo ga go diphoso ka ntlha ya go buisa gape le go siamisa.	-Go na le bosupi jwa tirisopuo e e tlhobaetsang. -Puo le matshwao a puiso di nepagetse. -Tlhopho ya mafoko e siametse temana. -Setaele, segalo le rejisetara di siametse setlhogo. -Go le gantsi ga go na diphoso go ya ka go buisa gape le go siamisa.	-Kitso e e rileng ya kgatelelo ya puo. -Puo e e bothofo, matshwao a puiso a a lekaneng. -Tlhopho ya mafoko e e lekaneng. -Setaele, segalo rejisetara di tsamaelana le ditlhokego tsa setlhogo. -Go sa ntse go na le diphoso tse di mmalwa.	-Puo e e mo magareng, matshwao a puiso, ga a dirisiwa ka nepo/fa gongwe a fosagetse. -Tlhopho ya mafoko e e sa reng sepe. -Setaele, segalo, rejisetara di tlhoka kgolagano. -Go na le diphoso.	-Go na le diphoso tsa puo le matshwao a puiso. -Tlhopho ya mafoko e nnye. -Setaele, segalo, rejisetara ga di a lekana. -Go diphoso.	-Puo le matshwao a puiso di fosagetse gotlhelele. -Tlhopho ya mafoko ga e a lekana. -Setaele, segalo le rejisetara di fosagetse gotlhelele.
<b>KAGEGO  (MADUO 6)</b>	-Go ikamanya gotlhelele le setlhogo. -Diteng di maleba tota. -Dipolelo, ditemana di tlhamilwe ka tsela e e kgodisang. -Boleele bo maleba le ditlhokego tsa tlhamo.	-Go ikamanya thata le setlhogo. -Dipolelo, ditemana di tlhamilwe sentle. -Boleele ke jo bo lekaneng.	-Go ikamanya le setlhogo go go rileng. -Dipolelo, ditemana di tshwaragane sentle. -Boleele jo bo lekaneng.	-Dintlha dingwe tse di tlhokegang di tlhagisitswe. -Dipolelo, ditemana di fosagetse mme tlhamo e na le tlhaloganyo. -Boleele ke jo bo lekaneng.	-Bontsi jwa dintlha bo tlhagisitswe. -Dipolelo, ditemana di ka ne di fosagetse mme tlhamo e na le tlhaloganyo. -Boleele ke jo bo lekaneng.	-Go tswa mo setlhogong ka dinako dingwe mme o sa kgone go tlhaloganyo dikakanyo. -Dipolelo le di ditemana di tlhakatlhakane. -Boleele – tlhamo e telele/khutshwane thata.	-Go tswa mo setlhogong gotlhelele. -Dipolelo le ditemana di tlhakatlhakane. -Ga go na tatelano. -Boleele – tlhamo e telele/khutshwane thata.

**KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (30)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlaelang</b>	<b>Khoutu 1: Ga a fitlhelela</b>
	<b>80–100%</b>	<b>70–79%</b>	<b>60–69%</b>	<b>50–59%</b>	<b>40–49%</b>	<b>30–39%</b>	<b>0–29%</b>
	<b><u>16–20</u></b>	<b><u>14–15½</u></b>	<b><u>12–13½</u></b>	<b><u>10–11½</u></b>	<b><u>8–9½</u></b>	<b><u>6–7½</u></b>	<b><u>0–5½</u></b>
<b>DITENG, TOGAMAANO LE POPEGO  (MADUO 20)</b>	<p>Kitso e e manonthotlo ya ditlhokego tsa setlhangwa.</p> <p>-Kwalo e e kwa godimo e sa fapoge setlhogo gotlhelele.</p> <p>-Ikamanyo e e matsetseleko le diteng mmogo le dikakanyo tse di tshegetsang setlhogo.</p> <p>-Bopaki jwa togamaano e e se nang diposo e e dirileng tlagiso ya setlhangwa se se maleba.</p> <p>-Kagego e e nepagetseng gotlhelele.</p>	<p>-Kitso e e kwa godimo ya ditlhokego tsa setlhangwa.</p> <p>-Kwalo e e kwa godimo e sa fapoge setlhogo.</p> <p>-Ikamanyo le diteng, dikakanyo tse di tshegetsang setlhogo.</p> <p>-Bopaki jwa togamaano jo bo ntshitseng setlhangwa se se maleba.</p> <p>-Melao ya kwalo ya setlhangwa e dirisitswe ka botlalo.</p>	<p>-Kitso e e mo magareng ya setlhangwa.</p> <p>-Kwalo e e maleba e fapogile go se nene.</p> <p>-Bogolo go na le ikamanyo le diteng le dintlha tse di tshegetsang setlhogo.</p> <p>-Bosupi jo bo tletseng jwa go rulaganya bo ntshitse setlhangwa se se mo magareng.</p> <p>-Tiriso e e tletseng ya melao ya sebopego se se tlhokegang.</p>	<p>-Kitso e e itekanetseng ya ditlhokego tsa setlhangwa.</p> <p>-Kwalo e e itumedisang ya diteng le dikakanyo di tshegetsang setlhogo.</p> <p>-Bosupi jo bo itumedisang jwa go rulaganya botlhami jo bo tlagisang setlhangwa se se itumedisang.</p> <p>-Tiriso e e lekaneng ya melao ya sebopego se se tlhokegang.</p>	<p>-Kitso e e lekaneng ya ditlhokego tsa setlhangwa.</p> <p>-Kwalo e e itumedisang ya diteng le dikakanyo di tshegetsang setlhogo.</p> <p>-Bosupi jo bo lekaneng jwa go rulaganya bo tlagisitse setlhangwa se se lekaneng.</p> <p>-Tiriso e e lekaneng ya melao ya sebopego se se tlhokegang.</p>	<p>-Kitso e e potlana ya ditlhokego tsa setlhangwa.</p> <p>-Kwalo e e potlana e e seng maleba ya diteng le dikakanyo di tshegetsang setlhogo.</p> <p>-Bosupi jo bo potlana jwa go rulaganya bo tlagisitse setlhangwa se se potlana se se seng maleba go puo tlaletso ya ntsha.</p> <p>-Setlhangwa se se sa tlagisiwang sentle.</p> <p>-Tiriso e e potlana, e e fosagetseng ya melao ya sebopego se se tlhokegang.</p>	<p>-Go tlhoka kitso ya ditlhokego tsa setlhangwa.</p> <p>-Ga go na tomagano ya diteng le dikakanyo.</p> <p>-Dintlha tse di nnye tse di tshegetsang setlhogo.</p> <p>-Bosupi jo bo sa felelang jwa go rulaganya bo tlagisitse setlhangwa se se sa rulaganang.</p> <p>-Ga go na tiriso ya melao ya sebopego se se tlhokegang.</p>

	<u>8–10</u>	<u>7–7½</u>	<u>6–6½</u>	<u>5–5½</u>	<u>4–4½</u>	<u>3–3½</u>	<u>0–2½</u>
<b>PUO, SETAELE LE TSELEGANYO (MADUO 10)</b>	<p>-Tirisopuo e e nepagetseng e le matlhagatlhaga.</p> <p>-Tlotlofoko e e kwa godimo e le maleba go tebo, baamogedi le bokao.</p> <p>-Setaele, segalo, rejisetara e e nepagetseng tota.</p> <p>-Tlhokego ya diphoso morago ga puiso le go tseleganya</p> <p>-Boleele jo bo maleba.</p>	<p>-E tlhamegile bontle ka nepagalo.</p> <p>-Tlotlofoko e e maleba go tebo, baamogedi le bokao.</p> <p>-Segalo se se maleba go lebeletswe setaele, segalo le rejisetara ya se potso e se batlang.</p> <p>-Bogolo go sena diphoso tse dintsi morago ga puiso le go tseleganya.</p> <p>-Boleele jo bo maleba.</p>	<p>-E tlhamegile le go buisega bonolo.</p> <p>-Tlotlofoko e e maleba go tebo, baamogedi le bokao.</p> <p>-Setaele, segalo, rejisetara e e maleba. Go se diphoso tse dikalo morago ga puiso le go tseleganya.</p> <p>-Boleele jo bo maleba.</p>	<p>-Popego e e lekaneng.</p> <p>-Diphoso ga di kgoreletse kelelo.</p> <p>-Tlotlofoko e e lekaneng tebo, baamogedi le bokao.</p> <p>-Setaele, segalo, rejisetara di lekanetse.</p> <p>-Diphoso tse di mmalwa morago ga puiso le tseleganya.</p> <p>-Boleele jo bo batlileng bo lekana.</p>	<p>-O lekile popego, e na le diphoso tse dinnye.</p> <p>-Puo ga e ntsi e bile ga e a dirisetswa tebo, baamogedi mmogo le bokao jwa potso.</p> <p>-O felelwa ke setaele, segalo le rejisetara e e maleba.</p> <p>-Diphoso tse dintsinyana morago ga puiso le go tseleganya.</p> <p>-Boleele jo bo feteletseng kgotsa jo bokhutshwane.</p>	<p>-Kagego ga e maleba e bile go boima go bona kelelo.</p> <p>-Tlotlofoko e tlhoka go phekolwa e bile ga e tsamaelane le tebo, baamogedi le bokao.</p> <p>-Setaele, segalo le rejisetara ga di maleba gotlhelele.</p> <p>-Go diphoso le kwa ntle ga gore go nnile le puiso le go tseleganya.</p> <p>-Boleele jo bo feteletseng kgotsa jo bokhutshwane thata.</p>	<p>-Kagego ga e maleba e bile go boima go bona kelelo.</p> <p>-Tlotlofoko e tlhoka go phekolwa tota e bile ga e tsamaelane le tebo, baamogedi le bokao.</p> <p>-Setaele, segalo le rejisetara ga di tsamaelane le setlhogo.</p> <p>-Go diphoso le go sa tlhologanyege, tota le fa morago ga puiso le go tseleganya.</p> <p>-Boleele jo bo feteletseng kgotsa jo bokhutshwane thatathata.</p>

**KAROLO YA C: RUBORIKI YA GO TSHWAYADITLHANGWA TSE DIKHUTSHWANE TSA TIRISANO/TSA TSHUPETSO/ TSHEDIMOSETSO/ PONO TSE DI DIRISANG MEKGWA E E FAROLOGANENG YA TLHAELETSANO (20)**

	<b>Khoutu 7: Phitlhelelo ka dinaledi</b>	<b>Khoutu 6: Phitlhelelo ka matsetseleko</b>	<b>Khoutu 5: Phitlhelelo e e Tletseng</b>	<b>Khoutu 4: Phitlhelelo e e itumedisang</b>	<b>Khoutu 3: Phitlhelelo ka tekano</b>	<b>Khoutu 2: Phitlhelelo e e tlhaelang</b>	<b>Khoutu 1: Ga a fitlhelela</b>
	<b>80–100%</b>	<b>70–79%</b>	<b>60–69%</b>	<b>50–59%</b>	<b>40–49%</b>	<b>30–39%</b>	<b>0–29%</b>
	<b><u>10½–13</u></b>	<b><u>9½–10</u></b>	<b><u>8–9</u></b>	<b><u>6½–7½</u></b>	<b><u>5½–6</u></b>	<b><u>4–5</u></b>	<b><u>0–3½</u></b>
<b>DITENG, IPAAKANYO LE SEBOPEGO  (MADUO 13)</b>	-Kitso e e anameng, e e kgethegileng ya ditlhokego tsa setlhangwa. -Bontsha temogo e e tletseng ya bokao jo bo anameng fa a kwala. -Go kwala go go rupeletsweng. -Motlhatlhojwa o tswetsa go tlhomama, ga a rathe sekgwa. -Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.	-Kitso e e kgodisang ya ditlhokego tsa setlhangwa. -Bontsha temogo ya e e anameng ya bokao mo ditlhangweng tse dintsi fa a kwala ditiro. -Go kwala go go rupeletsweng motlhatlhojwa o tswela go tlhomama, ga a rathe sekgwa. -Go nyalelana ga diteng, dikakanyo le ditlhaloso di neetswe, mme diteng tsotlhe di tshetsa setlhogo. -Bosupi jwa ipaakanyo kgotsa ipaakanyetso ya kwalo ya setlhangwa bo tlhagisitse setlhangwa se se duleng diatla.	-Kitso e e siameng ya ditlhokego tsa setlhangwa. -Bontsha temogo ka kakaretso ya bokao mo ditlhangweng tse dintsi fa a kwala ditiro. -Go kwala - motlhatlhojwa o tswetsa go tlhomama a sa itemogele dikgoreletsi tse di masisi. -Go le gantsi go na le nyalelano ya diteng le dikakanyo. -Ditlhaloso di neetswe, mme diteng tse dintsi di tshetsa setlhogo. -Bopaki jwa ipaakanyo kgotsa ipaakanyetso ya kwalo ya setlhangwa bo tlhagisitse setlhangwa se se kgatlhisang.	-Kitso e e lekaneng ya ditlhokego tsa setlhangwa. -Bontsha temogo nngwe ya bokao mo ditlhangweng tse dintsi fa a kwala ditiro. -Go kwala - motlhatlhojwa o ratha sekgwa, fela se, ga se kgoreletse maitlomo a tiro ka kakaretso. -Nyalelano e e itumedisang ya diteng le dikakanyo. -Diteng dingwe di tshetsa setlhogo. -Bosupi jwa ipaakanyo kgotsa ipaakanyetso ya kwalo ya setlhangwa bo tlhagisitse setlhangwa se se kgotsafatsang.	-Kitso e e magareng ya ditlhokego tsa setlhangwa. -Bontsha tlhalelo e e rileng ya kitso ya bokao mo ditlhangweng fa a kwala ditiro. -Go kwala - motlhatlhojwa o ratha sekgwa, bokao ga bo tlhabasege fa gongwe. -Nyalelano e e magareng ya diteng le dikakanyo. -Diteng dingwe di tshetsa setlhogo. -Bosupi jwa ipaakanyo kgotsa ipaakanyetso ya tlhamo e e lebegang bo tlhagisitse setlhangwa ka tekano le nyalelano	-Kitso e e tlhaelang ya ditlhokego tsa setlhangwa. -Bontsha tlhalelo ya kitso ya bokao mo ditlhangweng fa a kwala ditiro. -Go kwala – motlhatlhojwa o ratha sekgwa, bokao ga bo tlhagelele. -Nyalelano ya diteng le dikakanyo go le gantsi e a tlhalelo. -Diteng tse di mmalwa di tshetsa setlhogo. -Tiro ga e mo maamong a selekano sa Puo tlaleletso ya ntsha, le fa tota a ipaakantse.	-Ga go kitso ya ditlhokego tsa setlhangwa. -Bontsha go tlhoka kitso gotlhelele ya bokao mo ditlhangweng fa a kwala ditiro. -Go kwala – motlhatlhojwa o ratha sekgwa, bokao ga bo tlhagelele. -Nyalelano ya diteng tse di mmalwa tse di tshetsang setlhogo. -Ipaakanyo/kwalo e e sa itumediseng ya setlhangwa. -Tlhagiso e e bokoa ya setlhangwa. -Ga go na tiriso ya melao ya sebopego se se tlhokegang.

<b>PUO, SETAELE LE BOSUPI JWA PALO  (MADUO 7)</b>	<u>6–7</u> -Tlhagiso ya maemo a a kwa godimo ya melao e e maleba ya popego ya setlhangwa. -Thutapuo ya mo setlhangweng e nepagetse e bile e agegile ka bontle jo bo gaisang. -Tlotlofoko e e humileng e le maleba mo maitlhomong, baamogeding le mo bokaong. -Setaele, segalo le tirisopuo di maleba go gaisa. -Setlhangwa se lebege se se na diphoso morago ga go buisiwa gape le go tlhotlwa diphoso. -Boleele bo nepagetse.	<u>5–5½</u> -Melao e e tlhokegang ya popego ya setlhangwa e dirisitswe sentle. -Setlhangwa se agilwe bontle se nepagetse. -Tlotlofoko e e maleba tota mo maitlhomong, baamogeding le mo bokaong. -Setaele, segalo le tirisopuo di maleba fa go lebeletswe ditlhokego tsa tiro. -Setlhangwa ka kakaretso ga se na diphoso morago ga go buisiwa gape le go tlhotlwa diphoso. -Boleele bo nepagetse.	<u>4½</u> -Melao e e tlhokegang ya popego ya setlhangwa e dirisitswe sentle. -Setlhangwa se agilwe sentle, se buisega bonolo. -Tlotlofoko e e maleba mo maitlhomong, baamogeding le mo bokaong. -Setaele, segalo le tirisopuo go le gantsi di maleba. -Setlhangwa go le gantsi ga se na diphoso morago ga go buisiwa gape le go tlhotlwa diphoso. -Boleele bo nepagetse.	<u>3½–4</u> -Kakanyo e e itumedisang ya ditlhokego tsa popego ya setlhangwa e dirisitswe. -Setlhangwa se agilwe ka go itumedisa. -Diphoso tse di leng gone ga di kgoreletse kelelo ya dikakanyo. -Tlotlofoko ka tekano mo maitlhomong, baamogeding le mo bokaong. -Setaele, segalo le tirisopuo di siame, di maleba. -Setlhangwa se sa ntse se na le diphoso morago ga go buisiwa gape le go tlhotlwa diphoso. -Boleele bo nepagetse.	<u>3</u> -Go kakanyo e e lekaneng ya ditlhokego tsa popego ya setlhangwa. -Setlhangwa se agilwe ka ditlhokego fela tse di tlhokegang. -Diphoso di mmalwa. -Tlotlofoko e a tlaela e bile ga e maleba mo maitlhomong, baamogeding le mo bokaong. -Tlhaelo ya setaele, segalo le tirisopuo fale le fale. -Setlhangwa se na le diphoso tse di mmalwa morago ga go buisiwa gape le go tlhotlwa diphoso. -Boleele jo bo fetang tekano/ setlhangwa se sekhutshwane.	<u>2½</u> -Go tlaelo ka kakaretso mo tirisong ya melao e e tlhokegang ya popego ya setlhangwa. -Setlhangwa se agilwe bokoa e bile go thata go se tlhologanya. -Tlotlofoko e tlhoka go boeletswe, mme ga e maleba mo maitlhomong, baamogeding le mo bokaong. -Setlhangwa se na le diphoso tse di thibang letsatsi, le mororo se buisitswe gape le go tlhotlwa diphoso. -Boleele jo bo feteletseng/ setlhangwa se se khutshwane thata	<u>0–2</u> -Ga go a dirisiwa melao ya popego ya setlhangwa. -Setlhangwa se agilwe bokoa e bile go thata go se tlhologanya. -Tlotlofoko e tlhoka go boeletswe ka tsenelelo, mme ga e maleba mo maitlhomong, baamogeding. -Setlhangwa se diphoso gotlhe tse di thibang letsatsi, e bile go tlhakatlhakane gotlhe. -Boleele jo bo fetang tekano/ setlhangwa se se khutshwane thatathata.

**POELO YA GO ITHUTA: LO 3: GO KWALA LE GO TLHAGISA****THANOLO YA DIPOTSO:****KAROLO YA A: TLHAMO****MADUO: 50**

<b>DINOMORO TSA DIPOTSO</b>	<b>DITLHOGO</b>	<b>MEFUTA YA DITLHAMO</b>
1.1	Ke se leng sona ka ntlha ya morutabana wa me.	Kanelo
1.2	Ke ne ke sa itse...	Tlhaloso / kanelo
1.3	Ke ipona ke kgweetsa sejanaga sa mabono.	Maitlhommo
1.4	Khumo, e ka tlhakanya motho tlhogo.	Thanolo
1.5	Thelebišene e fedisitse bokgoni jwa boitlhamedi mo bathong. Dumalana kana o ganetsane le ntlha e.	Ngangisano
1.6, 1.7 le 1.8	Tshekatsheko ya ditshwantsho.	Kanelo / Tlhaloso / Thanolo Ngangisano / Maitlhommo

**KAROLO YA B: DITLHANGWA TSE DILEELE TSA TIRISANO****MADUO - 30**

<b>DINOMORO TSA DIPOTSO</b>	<b>MOFUTA WA SETLHANGWA</b>
2.1	Memorantamo (memorandum)
2.2	Lekwalo la botsalano (informal letter)
2.3	Puo (formal speech)
2.4	Mmuisano ( informal dialogue)

**KAROLO YA C: DITLHANGWA TSE DIKHUTSHWANE TSA TIRISANO****MADUO: 20**

<b>DINOMORO TSA DIPOTSO</b>	<b>MOFUTA WA SETLHANGWA</b>
3.1	Phasalatso (advert)
3.2	Posekarata (postcard)
3.3	Ditaelo (instructions)

**PALOGOTLHE: 100**



**KAROLO YA A****POTSO 1****MEFUTA YA DITLHAMO****1.1 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

<b>Setlhogo</b>	<b>Dintlha tse di solofetsweng</b>
Ke se ke leng sona ka ntlha ya morutabana wa me.	<ul style="list-style-type: none"> <li>✓ Motlhatlhojwa a bue ka thuso e morutabana a mo neileng yona.</li> <li>✓ Maele a morutabana a mo neileng ona.</li> <li>✓ Karolo e morutabana a e tshamekileng mo botshelong jwa gagwe.</li> <li>✓ Botlhokwa jwa morutabana.</li> <li>✓ Motlhatlhojwa a re bolelele seo e leng sona gompieno ka ntlha ya morutabana.</li> </ul>

**Kaedi ya go tshwaya tlhamo ya kanelo:**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe go elwe tlhoko gore mofuta o wa tlhamo o a tlhalosa.

**1.2 TLHAMO YA TLHALOSO**

Mokwadi mo tlhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

<b>Setlhogo</b>	<b>Dintlha tse di solofetsweng</b>
Ke ne ke sa itse...	<ul style="list-style-type: none"> <li>✓ Motlhatlhojwa a re bolelele ka seo se diragetseng.</li> <li>✓ Maitemogelo a gagwe ka se se diragetseng.</li> <li>✓ Motlhatlhojwa a tlhalose gore tiragalo e ne e diragalela kwa kae/jang.</li> <li>✓ Motlhatlhojwa a tlhalose gore tiragalo e amile jang botshelo jwa gagwe.</li> <li>✓ Motlhatlhojwa a tlhagise thuto eo a e ithutileng ka se se diragetseng.</li> </ul>

**Kaedi ya go tshwaya tlhamo ya tlhaloso:**

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

**1.3 TLHAMO YA MAITLHOMO**

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditiro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

<b>Setlhogo</b>	<b>Dintlha tse di solofetsweng</b>
Ke ipona ke kgweetsa sejanaga sa mabono.	<ul style="list-style-type: none"> <li>✓ Motlhatlhojwa a tlhagise maikutlo a gagwe tebang le sejanaga se a se ratang.</li> <li>✓ A bolele se se mo rotloeditseng go ipona a kgweetsa sejanaga seo.</li> <li>✓ Motlhatlhojwa a tlhalose gore o tlile go fitlhelela jang toro ya gagwe.</li> <li>✓ A tlhagise maitemogelo a gagwe ka sejanaga se.</li> </ul>

**Kaedi ya go tshwaya tlhamo ya maitlhamo:**

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlhamong ke go tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

**1.4 TLHAMO YA THANOLO**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano.

<b>Dintlha tse di solofetsweng</b>	<b>Dintlha tse di solofetsweng</b>
Khumo, e ka tlhakanya motho tlhogo.	<ul style="list-style-type: none"> <li>✓ Motlhatlhojwa a tlhalose se khumo e leng sona.</li> <li>✓ Motlhatlhojwa a tlhagise dintlha tse di dirang gore motho a tlhakanngwe tlhogo ke khumo.</li> <li>✓ A tlhagise maitemogelo a gagwe ka khumo.</li> <li>✓ A bontshe ka moo tharabololo e ka fitlhelelwang ka teng.</li> </ul>

**Kaedi ya go tshwaya tlhamo ya thanolo:**

- Setlhogo se tshwanetse go tlhologanngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o tlhalosa bokao jo bo sa tlwaelegang gore mmuisi a tlhologanye setlhogo le fa e le gore ga a na kitso e e tebileng.
- Dikakanyo di rulagane, di lolame mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

**1.5 TLHAMO YA NGANGISANO**

Mo tlhamong e, motlhatlhojwa o tlhagisa kakanyo, ntlhakemo mme a nganga ka maitlhamo a go dibela kemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

<b>Setlhogo</b>	<b>Dintlha tse di solofetsweng</b>
Thelebišene e fedisitse bokgoni jwa boithamededi mo bathong. Dumalana kana o ganetsane le ntlha e.	<ul style="list-style-type: none"> <li>✓ Motlhatlhojwa a tlhagise gore a o dumalana le setlhogo kgotsa nnyaya.</li> <li>✓ A tlhagise dintlha tse di tlotlheditseng kemo ya gagwe.</li> <li>✓ A neele dikao tsa dilo tse di sa tlholeng di dirwa ka ntlha ya thelebišene.</li> <li>✓ Motlhatlhojwa a bontshe ka moo ena a neng a ka dira ka teng go fedisa se.</li> <li>✓ Motlhatlhojwa a tlhagise maikuto a gagwe ka tiriso ya thelebišene.</li> </ul>

**Kaedi ya go tshwaya tlhamo ya ngangisano:**

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhologanyegang mme e pateletse mmuisi go dumalana le se se tlhagisitsweng. Tlhamo ya mofuta o, e kwalwe ka pakajaanong.

**1.6–1.8 TLHAMO YA KANELO/MAITLHOMO/THANOLO**

**KAROLO YA B: DITLHANGWA TSE DILEELE TSA TIRISANO****POTSO 2****2.1 MEMORANTAMO**

Memorantamo ke mokgwa wa go neeletsana melaetsa kgotsa dikitsiso. O ka romelwa go tswa go setheopotlana se sengwe go ya go se sengwe, go tswa kwa lefapheng le lengwe go ya go le lengwe kgotsa go tswa mo kantorong e nngwe go ya go e nngwe.

<b>Memorantamo</b>	<b>Dintlha tse di solofetsweng</b>
Mokgatlho wa baithuti o lemogile fa bontsi jwa baithuti bo sa kgone go tswetsa dithuto tsa bona morago ga go falola materiki, motlhatlhojwa o kwalela tona ya lefapha la thuto memorantamo mabapi le ntlha e.	<ul style="list-style-type: none"> <li>✓ Motlhatlhojwa a tlhagise se se dirang gore baithuti ba se kgone go tswetsa dithuto tsa bona pele.</li> <li>✓ A ntshe maikutlo a gagwe ka baithuti ba ba tlhokang thuso ya go ya sekolong.</li> <li>✓ A tlhagise/ bolele se a ratang lefapha le ka se dira go tlhokomela gore baithuti botlhe ba bona tšhono ya go tswetsa dithuto pele.</li> </ul>

**Kaedi ya go tshwaya memorantamo:**

- Motlhatlhojwa a kwale leina la setheo kwa godimo.
- Lefoko MEMORANTAMO kgotsa MEMO le kwadiwe ka fa tlase ga setheo.
- Go: motlhatlhojwa a neele leina/maemo a motho yo memo o yang kwa go ena.
- Go TSWA GO: motlhatlhojwa a neele leina/maemo a motho yo memo o tswang kwa go ena.
- LETLHA: motlhatlhojwa a neele letlha ka botlalo le na le letsatsi, kgwedi le ngwaga.
- MOGALA: motlhatlhojwa ga a patelediwe go kwala nomoro ya mogala ntle fela fa o romelwa kwa setheopotlaneng/kgaolong e nngwe.
- SETLHOGO: motlhatlhojwa a kwale setlhogo ka ditlhakakgolo.
- DITENG: di nne dikhutshwane e bile di tobe ntlha, fela go dirisitswe dipolelo tse di tletseng e seng ka mokgwa wa telekeramo.
- GA GO NA DITUMEDISO le BOKHUTLO.
- Motlhatlhojwa a dirise mafoko KE A LEBOGA LE KA KOPO.
- Motlhatlhojwa a kwale MOSAENO KGOTSA DITLHAKAINA kwa tlase fela.

**2.2 LEKWALO LA BOTSALANO**

Lekwalo la mofuta o ke lekwalo le o tseelang mongwe kgang/tlotlela, go mo leboga kgotsa keletsomasego. Le botsalano, go tshepagala le go supa go tshwenyega.

Motlhatlhojwa o feleletsa lekwalo la gagwe ka go ithaopa go ka thusa fa go nang le ditlhokego teng. O tshwaela ka se se diragetseng a dirisa mafoko a a botlhale a a namatsang.

<b>Lekwalo la botsalano</b>	<b>Dintlha tse di solofetsweng</b>
Motlhatlhojwa o nna kwa Kapa mme o kwalela batsadi ba ba nnang kwa Gauteng lekwalo, go ba kopa madi a go tsaya loeto ka sekolo.	<ul style="list-style-type: none"> <li>✓ Motlhatlhojwa a tthalose maikaelelo a loeto.</li> <li>✓ Letlha la loeto.</li> <li>✓ Lefelo le go iwang kwa go lona.</li> <li>✓ A tthalose gore tuelo e diriwa jang.</li> </ul>

- Motlhatlhojwa a kope batsadi madi.
- A tthalose gore madi ke a loeto lwa sekolo.
- A tthalose tlhwathwa.
- A neele letlha la loeto.

### 2.3 PUO

Puo ke karolo ya botlhokwa ya go fatlhosana. Go le gantsi motho o neelana ka puo kgotsa o ema batho ka lefoko mo dikopanong kgotsa mo meletlong. Go kwala puo ya go bua le setšhaba go farologane le go bua le setlhotshwana sa batho.

<b>Puo</b>	<b>Dintlha tse di solofetsweng</b>
Motlhatlhojwa o kwala puo e a tla neelanang ka yona kwa moletlong wa makgaolakgang a materiki fa a emetse baithuti.	<ul style="list-style-type: none"> <li>✓ Motlhatlhojwa a simolole ka go dumedisa.</li> <li>✓ A tthalose lebaka la puo ya gagwe.</li> <li>✓ A leboge batsadi, barutabana le baithuti.</li> <li>✓ A rotloetse baithuti gore ba tswelole pele ka thuto.</li> </ul>

#### **Kaedi ya go tshwaya puo:**

- Motlhatlhojwa a leboge le go dumedisa bareetsi.
- Motlhatlhojwa a neelane ka lebaka/maikaelelo a puo ya gagwe.
- Motlhatlhojwa a nne le matseno a a ngokang.
- A rulaganye le go golaganya dintlha tsa gagwe sentle.
- Go dirisiwe dipolelo tse dikhutshwane ka dikakanyo tse di bonolo le dikao tse di tlwaelegileng.
- Motlhatlhojwa a leboge bareetsi kwa bokhutlong jwa puo ya gagwe

## 2.4 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba aroganya dikakanyo kgotsa ba buisana ka setlhogo sengwe se se rileng. Sebopego sa yona ke sa dipotsotherisano fela ona o dirisiwa gongwe le gongwe ke mongwe le mongwe.

Mmuisano	Dintlha tse di solofetsweng
Motlhatlhojwa o lebelela setshwantsho mme morago o kwala mmuisano ka se a se bonang.	<ul style="list-style-type: none"> <li>✓ Mooki o buisana le molwetse.</li> <li>✓ Molwetse o bolelela mooki ka se se mo tshwereng.</li> <li>✓ Mooki o tlhalosetsa molwetse ka se se motshwereng.</li> <li>✓ Molwetse o botsa mooki gore a ka thibela bolwetse jang.</li> <li>✓ Mooki o neela molwetse dintlha tsotlhe tse a di tlhokang.</li> <li>✓ Kwa morago mooki o tlile go naya molwetse ditlhare.</li> <li>✓ Mooki o tla itsise molwetse gore a tle leng gape.</li> </ul>

### Kaedi ya go tshwaya mmuisano:

- Motlhatlhojwa a kwale ka mokgwa o moterama a kwalwang ka ona.
- Dibui di nne pedi.
- Motlhatlhojwa a kwale setlhogo se go buisanwang ka ga sona.
- Dipolelo tsa dibui di nne dikhutshwane.
- Diteng tsa motlhatlhojwa di supe boitlhamedi, kelelo ya dintlha le go tsamaelana ga ditiragalo.
- Maina a dibui a tshwanetse go tlhagelela sentle.
- Motlhatlhojwa a dirise matseno, mmele le bokhutlo sentle.
- Kgang ya motlhatlhojwa e bontshe tshimologo, setlhoa le tharabololo.
- Puo le moonono di tsamaelane le ditiragalo.
- Motlhatlhojwa a dirise puo e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

**PALOGOTLHE YA KAROLO YA B: 30**

**KAROLO YA C: DITLHANGWA TSE DIKHUTSHWANE TSA TIRISANO****POTSO 3****3.1 PHASALATSO**

Ke mokgwa o motlhatlhojwa a ka o dirisang go itsese ka dikuno tsa gagwe, gore bareki ba tle ba tsiboge ka tshwanelo.

<b>Phasalatso</b>	<b>Dintlha tse di solofetsweng</b>
Motlhatlhojwa o thala phasalatso go ngoka baagi go tla moletlong wa bona.	<ul style="list-style-type: none"> <li>✓ Motlhatlhojwa a kwale leina la setlamo sa bona.</li> <li>✓ A tthalose gore terama e tle go direlwa kwa kae.</li> <li>✓ Motlhatlhojwa a tlhagise nako e terama e tla diragadiwang ka yona.</li> <li>✓ Motlhatlhojwa a kwale gore go tla duelwa bokae.</li> <li>✓ Motlhatlhojwa a se le bale dinomoro tsa mogala.</li> </ul>

**Kaedi ya go tshwaya phasalatso:**

- Phasalatso e ngoke kgatlhego ya mmuisi.
- E boloke kgatlhego ya mmuisi.
- E dire gore mmuisi tota a ye go reka kgotsa a dirise kuno kgotsa tirelo eo.
- Sebopego le fonto.
- Maitlhommo
- Nonofa ya tlhopho ya mmala kgotsa go tlhokagala ga mmala.
- Puo (poapoeletso, botshwantshi, e e susumetsang).
- Motlhatlhojwa a bontshe dinomoro tsa mogala le lefelo leo a ka fitlhelwang kwa go lona.
- Motlhatlhojwa a ka tlhagisa leina la setheo le tlhotlwa mo phasalatsong

**3.2 POSEKARATA**

Posekarata ke karata e re romelang molaetsa ka yona ka poso mme go sa dirisiwe enfelopo.

<b>Posekarata</b>	<b>Dintlha tse di solofetsweng</b>
Motlhatlhojwa o kwalela tsala ya gagwe posekarata e mo go yona a mo itseseng ka loeto la boetedipele leo ba neng ba le tsere ka sekolo.	<ul style="list-style-type: none"> <li>✓ Motlhatlhojwa a kwale se se neng se diragala fa ba tsere loeto.</li> <li>✓ A kwale ka se se mo itumedisitseng.</li> </ul>

**Kaedi ya go tshwaya posekarata:**

- Dikgang e nne tsa botsalano e bile di nne dikhutshwane.
- Letlha le lefelo di tlhagisiwe.
- Puo e e dirisiwang e ikaege ka botsalano jwa mokwadi le moamogedi.

### 3.2 DITAELO

Ditaelo ke tshedimoseetso ya botlhokwa e e tlhagisiwang pele go diragadiwa kana go diriwa tiro nngwe e e rileng. Ditaelo di tlhagisa tshedimoseetso mabapi le se se diriwang gore se diriwe *leng, kae, jang*.

<b>Ditaelo</b>	<b>Dintlha tse di solofetsweng</b>
Motlhatlhojwa o kwala ditaelo tsa nako ya dijo.	<ul style="list-style-type: none"> <li>✓ Motlhatlhojwa a neele taelo e e bontshang kwa baithuti ba tla jelang gona.</li> <li>✓ A ka kwala ka go tshola lefelo le le phepha.</li> <li>✓ A ka kwala ka botlhokwa jwa nako.</li> <li>✓ A ka kwala ka matlo a boithusetso.</li> </ul>

#### **Kaedi ya go tshwaya ditaelo:**

- Motlhatlhojwa a neele dintlha tsa tshedimoseetso tse di tlokegang.
- A tlhagise ka botlalo se se tshwanetseng go dirwa.
- Motlhatlhojwa a tlhagise mokgwa o tiro e e laelwang e tshwanetseng go dirwa ka teng.
- Dipolelo tsa motlhatlhojwa e nne tse dikhutshwane e bile di le bonolo.
- Ditaelo di tlhagisiwe ka dintlha e seng temana.
- Ditaelo di se ke tsa nna dintsi thata tsa tloga tsa feta le tiro e e diriwang

**PALOGOTLHE YA KAROLO YA C: 20**  
**PALOGOTLHE: 100**